

## «Եջմիածին»

### Մաղաքեա Արք. Օրմանեան

Արարատ ամսագիր (Վաղարշապատ),  
Թիւ Ա. Շըշան ԻԱ, 31 Յունուար 1888, էջ 5-13

Ա.

Արտաքին եւ նիւթական առարկաներ չեն մեր բանական կարողութեանց նպատակը, այլ ներքին եւ հոգեկան առարկաներն են մեր պահանջաքները. եւ երբ բնագանցական եւ բարոյական եւ կրօնական սկզբունքներ կորոնենք, կը պարտաւորուիմք կարծես բանական թափանցիկութիւն մը ենթադրել ամեն առարկայի վրայ եւ երեւցածէն անդին եղածը տեսնել, եւ արտաքին եւ նիւթական իրերու ներքին եւ հոգեկան խմաստն ու նպատակը իմանալ: Այդ մեծ ճարտարութեան չնորհիւ մեք կիջնեմք մեր հոգեկան բարձրութենէն մինչեւ նիւթական առարկաները, եւ կը բարձրանանմք մեր նիւթական ստորնութենէն մինչեւ հոգեկան առարկաները. եւ այդ իմացական ելեւէջին մէջ կը պահեմք մեր հաստատուն ուղղութիւնը եւ կը գտնեմք մեր մտաւոր դադարման ծանրակէտը:

Բնագանցական եւ բարոյական եւ կրօնական, եւ թէ կամենամք, ուսումնական եւ ազգայնական եւ եկեղեցական ծանր գաղափարներ կը գրաւեն ամեն Հայուն մտադրութիւնը: Ոչ բարձրաստիճան եկեղեցական, ոչ բարձրապաշտօն աշխարհական, եւ ոչ բարձրահմուտ ուսումնական լինել պէտք է՝ ազգին շահովն ու գործովն զբաղելու համար: Ով որ մարմնոյ մը անդամ է՝ նոյն մարմնոյն կենսական եւ ընդհանրական հոգերը կը քաշէ, բովանդակ մարմինն է որ մի անդամը կպահէ, մարմնոյն ծանայողը մի անդամին ալ ծանայած է: Այդ է բուն պատճառը, որ բարձրաստիճան եկեղեցականին մօտ նորահաս դպիրը, բարձրապաշտօն աշխարհականին մօտ սոսկական մշակը, բարձրահմուտ ուսումնականին մօտ անուս գուհէիկը, հաւասար ջանիւ փոյթ ունին ազգին եւ եկեղեցւոյ վրայ խորհելու, հաւասար ենանդ ունին օգուտներ պատրաստելու, եւ հաւասար գրգիծ ունին բան մը ըրած լինելու: Ընդհանուր բարոյն աշխատելուն մէջ կայ յիրաւի իւրաքանչիւր անհատի կարողութեան եւ արդիւնաւորութեան տարբերութիւններ. կան եւ կամեցողութեան եւ յօժարամտութեան զանագանութիւններ. եւ այդ պայմաններուն իրարու հետ համեմատութեան դժուարին հանգոյցներ եւ անլոյծ երեւոյթներ ալ կան, սակայն

ամենուն վրայ հովանի այդ ճշմարտութիւնն է թէ՝ կապակցեալ եւ միացեալ աշխատութենին զատ՝ նպատակին հասնող եւ ամբողջական գործը պաշտպանող բան մը ոչ կայ, եւ ոչ ալ լինել կարող է: Յայտնի ճշմարտութիւնք բացատրութեան եւ ապացուցութեան չեն կարօտիր: Ուրեմն վերացեալ ճշմարտութեանց վրայ այդ չափն ալ շատ է, մենք մեզի դանանք եւ մեր խօսից բուն նպատակին մօտենամք:

Հայութիւնն մարմին մի է: Իւր ամեն ձախորդութիւններով եւ փորձանքներով մէկտեղ՝ մարմին մը լինելէ չէ դադարած: Շատ մասեր վրայ տուեր է, փոքրկացեր ալ է, կորուստներ ալ ունեցէր է, այլ չէ ոչնչացեր: Գիտուններ անուն մը աշխարհագրական կըսեն, անուն մը պատմական կըսեպեն, անուն մը կրօնական կըսեն եւ անուններու նշանակութեան վրայ կը վիճեն: Թող վիճեն որչափ որ ուզեն եւ վճռեն որպէս որ ուզեն, միայն թէ իրական լինելը չուրանան: Չուրառիր այն՝ որ զգայութեանց անարկայ է: Հայութեան մարմինը ըստ որում իրական, բնական օրինաց զօրութեամբ իւր իրական կեանքը պիտի ցուցնէ իւր գործերով, զի թէ դադարի գործելէ՝ պիտի դադարի եւ ապրելէ: Իսկ իւր գոր երը չեն կարող անցնել այն սահմաններէն անդին՝ զորա ընկերական, քաղաքական, պետական եւ կրօնական բարոյականութիւններն համահաւասար նշանակած են, եւ որք ի մի գումարեալ կը կազմեն ինչ որ մենք օրինական գործունէիւթիւն կը կոչենք:

Հայուն գործնունէութիւնն ալ, փա՛ռք Աստուծոյ, արեւու լուսով եւ աշխարհի տեսով կատարուած գործունէութիւն է: Կայսերական մեծազօր հրովարտակներու հովանեաւ պաշտպանուած է զանազան տիրող պետութեանց համակրանօք ամրացած է: Հայ մարմնոյն իրականութեան հիմը կազմող գործունէութիւնն ոչինչ չունի՝ որով մէկու մը կտսկածաւոր կերպարանք կարողանայ ցուցնել:

Այդ գործունէութիւնն հնար չէ որ արդիւնաւոր լինի մի միայն հոգւոյ ըմբնամանց, մտքի դիտմանց եւ սրտի զգացմանց զօրութեամբ, եթէ չունենանք նաեւ արտաքին կերպեր գործը յաջողցնելու, նիւթական կապեր զօրութիւնները միաւորելու, զգալի միջոցներ գործերը բարդելու: Ո՞վ կուրանայ թէ հոգի եմք, սակայն ո՞վ ալ կարող է ուրանալ թէ մարմին ալ եմք: Եւ մարմնաւոր կերպեր, եւ միջոցներ շատ աւելի ազդեցիկ են մեր վրայ, մանաւանդ թէ անանց անոնց մեք ապրիլ եւ գործել ալ կարող չեմք:

Եթէ ազգային մարմնոց կազմութեան եւ նորա մասանց փոփոխ եւ սերտ կապակցութեան օրինակ մը փնտռենք, կըգտնենք զայն բրդածեւ մարմիններու վրայ: Բրդածեւ կաւարտի ի մի միայն կէտ, որ զերագոյնն է եւ լրում բովանդակ

մարմնոյն եւ այն մի կէտն այնպէս հանգչած է ստորադաս բոլոր մասերուն վրայ, որ անոնցմէ որն եւ խախտի գագաթնակէտին հաստատութեան կըդպչչի. եւ փոխաղարձաբար ամեն մի ստորադաս կէտը կամ մասը այնպէս յարմարած է գագաթնակէտին հետ, որ եթէ անոր ուղղութենէն դուրս լինի մարմինէն ալ դուրս կը սեպուի:

Մեր Հայութեան մարմինն ալ չէ կարող այդ նմանութեան խստութենէն չեղիլ, եւ որք Հայութեան մէջ են կամ լինիլ կըկարծեն, անհնար է որ գագաթնակէտին յարաբերութենէն եւ ուղղութենէն չեղին, եւ տակաւին մարմնայն ամբողջութեան մէջ մնալ կարող անան:

Ազգային մարմնոյն եւ ազգայնութեան կապին վրայ՝ այնչափ եւ անչափ գաղափարներ ունեցողներուն մէջ ալ կարող եմք տարբերութիւններ գտնել՝ գագաթնակէտը ինչ լինելը որոշելու մասին. այլ կարծեմ թէ չեմք կարող տարբերութիւն գտնել գագաթնակէտին ազդեցութիւնը ճանչնալու մասին: Եթէ եւ ընաւ արտաքին կապ մը չինէր, ազգին ալ զգալի ինչ մը չէր լինէր եւ ինչ որ զգալի չէ, մարդկային կեանքին եւ աշխարհի դրութենէն օտար բան մը կը լինէր ի հարկէ:

Ահաւասիկ խօսքերնուս նպատակին հասած եմք, եւ պէտք է ըսեմք թէ ի՞նչ է Հայութեան բրգաձեւին հաստատութեան եւ լրման գագաթնակէտը, որոյ ուղղութիւնը պիտի գծէ Հայութեան պարունակութիւնը, եւ որոյ ազդեցութիւնը պիտի կազմէ Հայութեան մասերը:

Գագաթնակէտը Ս. Էջմիածինն է:

Եւ զայդ կարտասանեմք անանց բացանութեան եւ անանց գարտուղութեան: Արդեօք Ս. Էջմիածնէն զատ ուրիշ մը կարող եղե՞ր է, կամ կարող է՞, կամ կարող պիտի լինի՞ այդ դերը առանձնել. այդ խնդիրներն մեզի համար աւելորդ խնդիրներ կըսեպուին. քանի որ իրական գործերու լուծումը փորձառական մեկնութեամբ կը դրուի, եւ ոչ հնաւորութեանց բացատրութեամբ:

Մեր գոյութեան խորհուրդի կըօնքն է, եւ գաղտնիքը եկեղեցին է. Հայը հայ է զի հայաղաւան է, անանց այնը հայը հայութիւնը թողեր է եւ հայութեան համար կորեր է. թող խօսին կըօնափոխութեանը ազգափոխ եղածներու տեղերը ու թիւերը: Իսկ Հայուն կըօնքին եւ եկեղեցւոյն լրումը՝ անհակառակ էջմիածինն է:

Մեր գոյութեան նշանը գործողութիւնն է, եւ կեանք գործունէութիւնն է, Հայը հայ է զի հայաբար կը գործէ առանց այս պայմանի գործունէութիւնն նպատակէն դուրս է եւ վնասակար է: Թող խօսին Օտարասիրութեամբ տարադէպ նպատակներու ծառայողներուն յիշատակները: Իսկ Հայուն նպատակին ուղղութիւնը բովանդակողը՝ անհականակ էջմիածինն է:

Մեր գոյութեան միջոցը տկար զ օրութեանց միաւորութեան հարկաւորութիւնն է: Հայը հայ է՝ երբ հայ ընկերաց միութեանց մէջ է: արտաքոյ այդ միութեան աշխատանքը ի զուր չարչարանք է, առանց օգնութեան մնալը անտարակոյս վտանգ է: Իսկ հայուն սեպհական գդացմանց միակ կետրոնը՝ անհակա®ak H=miaծինն է:

Մեր գոյութեան արդիւնքը մեր քրտանց բեղմնաւորութիւնն է, մեր պարտէցին պտղաբերութեան աճումն է: Հայը հայ, երբ հայ պարտէզին մշակն է եւ երբ իւր հասուցած պտուղը Օտար թոյնով խանգարուած չէ: Թող խօսին հայութեան անուամբ գործուած շատ մը բաներու պատճառած անգալի վնասները: Իսկ հայուն անխամն քաղցրութիւն պատրաստողը անհականակ էջմիածինն է:

«Ոսկի խարիսխն՝ վէմն հաստատութեան անշարժութեան է, եւ սիւնն հրեղէն կաթուղիկէ եկեղեցի է»: Այդպէս կըբացատրէր մեր Երանեալ Լուսաւորիչն՝ Միածնի իջման տեղւոյն գերահրաշ խորհուրդը: Եւ ինչ որ երկինք ցուցուցին կանխագուշակ ազդմամբ երկիր հաստատեց յայտնի գործողութեամբ: Եւ ինչպէս այն ժամանակ արտաքին նշաններով կը ցուցուէր ապագայն, նոյնպէս եւ այժմ արտաքին նշաններով կը հաստատուի ներկայն, այնպէս որ եկթ վերցնեմք ամեն արտաքին նշան, չեմք գտներ այլ եւս եւ ոչ զիրար ճանչնալու անհրաժեշտ միջոցը:

Իսկ նոքա՝ որք Լուսաւորչայ լոյս կըծնքէն չեղեցան, Օտար դաւանութեանց աշակերտեցան, կըօնից ազդեցութիւնը մոռանալ ձեւացան, չգործեցին արդեօ՞ք եւ ոչ մի օգուտ հայ սերնդին համար, չունի՞ն արդեօք եւ ոչ մի նշանակութիւն հայութեան համար: Եւ ինչու չէ՞: Միթէ եւ երախտաւոր Օտարագգինե՞ր ալ չունիմք, որ մեր ազգին համար թանկագին ծառայութիւններ են կատարած: Ամեն ճիւղի, եւ մանաւանդ ուսումնական ճիւղի մէջ, լեզուաբանութեան եւ դպրութեան, աշխարհագրութեան եւ պատմութեան ուսմանց մէջ գնահատելի ծառայութիւններ մատուցին մեզ հետազննին եւ բանիբուն Օտարագգիք, երբեմն մասնակի եւ երբեմն ամբողջակի նոցա երկերէն եւ արդիւնքներէն օգտուեցանք, մինչեւ իսկ նոցա համակրանքն ալ գնահատեցինք եւ հայօգուտ եւ հայասէր կոչեցինք այնպիսիները. այլ միթէ հայագգի ալ կոչեցի՞նք արդեօք:

Տարբեր է բոլորովին ճշմարիտ հայագգւոյն հոգին, միտքն ու սիրու, մտածմունքն ու գործը։ Դրական կերպով օգուտ մը արտադրած ատեն, բացասական կերպով վնաս մը գործելէ կըխիթայ. պատմութիւն քրքրած ատեն՝ ազգային սրտից թելերը թրթրացնող քաղցր յիշատակներուն երկիւղա՝ութեամբ կըհպի. լեզուն ծաղկեցուցած ատեն՝ սիրու խամրացնելէ կը վախնայ. ուսման լոյսը ծանայել կարծած ատեն՝ կրօնից լոյսը աղօտացնել կըխղճէ. ազգութեան յիշատակները ճանչցուցած ատեն՝ ազգութեան կապերը թուլցնել չմտաբերեր. գիտութեանց մէջ խորամուխ եղած ատեն՝ գժտութեանց փոսեր բանալու չըյանդգնիր. միով բախւ սիրու չըվաճառեր որ միտքը գնէ:

Ո՞ւ, եթէ ներեալ լինէր, ազգային եկեղեցւոյ ծոցէն հեռացելոց գործած օգուտները եւ պատճառած վնասները ի կշիռ դնել եւ անաչած դատաստան հատանել, առանց անձնական խնդիրներու լպրծուն գետինը կոխելու, որչափ դիւրաւ կարող պիտի լինէինք իրական գաղափար մը կազմել զանազան խնդիրներու վրայ, որք սաստիկ ջերմութեամբ կըյուզուին ազգայնոց մէջ։ Այլ այդ չէ մեր նպատակը. մեզ բաւական է, նաեւ մեր օրերուն մէջ գործով եւ փորձով հաստատուած տեսնել. թէ Հայուն համար շահերուն շահի եւ նպատակներուն նպատակը իւր կրօնքին եւ կրօնական կեղրոնին հաւատարիմ մնալն է։ Սպանալից արհաւրաց մէջ միակ ելքի միջոցը, դժուարին խնդրոց մէջ միակ ապահով լուծման փասու, բազմակողմանի պարագայից մէջ միակ ապահով եղանակը։ Եկեղեցւոյն եւ Մայր Աթոռոյն անվթարութեան բարձր սկզբունքն է։

«Լոյսն հասեալ ի վերուստ ի վայր մինչեւ յերկիր հասանէր», եւ երկիրն բարեաղդ՝ որ Միածնի իջմամբ լոյսոյն օթարան կըլինէր, նոյն է որ ծանրածանը փորձանաց ներքեւ Հայ եկեղեցւոյն միակ փրկարար հանդիսացաւ եւ կը հանդիսանայ որպէս փոթորկալից ամպրոպաց ժամանակ նաւամատոյցներու բազմալոյս լապտերը։

Աւա՛ղ, որ դժպհի փորձառութիւններն ալ մեծ դեր ունեցան մեզ ամենացուն այդ ճշմարտութիւնները ուսուցանելու։ Եւ որչափ երբեմն թեթեւակի խարկանք կրօնական հովանիէն դուրս ապահով վայրեր որոնեցինք, նոյնչափ եւ առաւել հաստատուն համոզմամբ կը դաննանք այժմ առ միակ ապաւէնն. եւ այլ եւս չեմք խղճեր մեր անձնախարութեան պաշտած մանր կունքերը ջարդել, եւ լուսաւորչի տեսած հրեղէն սեան գագաթը փայլող լուսաւոր նշանը պաշտել. «Եւ խաչն լուսոյն ի վերայ նորա»։

Այդ սկզբունքն է, այդ մեր ներքին համոզման ընդունած ճշմարտութիւնն է. այլ կըսէի եւ կըսեմ, եթէ արտաքինն ալ չըկցեմք այդ ներքին համոզման, տակաւին տկար կը մնայ մեր աշխատանքը, եւ նուազ օգտակար մեր ջանքը: Ամենքնուս սիրտը շարժելու, ամենքնուս քրտինքը միացնելու, ամենքնուս գործը իրարու հետ կապելու, մի ընդհանուր կեղրոն պէտք է, եւ այդ կետրոնին ընդհանրական գլուխ անհրաժեշտ է:

Որչափ արեւը ժուռ կուգայ աշխարհիս վրայ, եւ մի կողմը խաւարցնելով միւս կողմը կը լուսաւորէ, կարծեմ թէ երբեք Հայ գաւակները իւր ճառագայթներին չգրկէր, այնչափ ցրուած են հողագնորին երեար: Իբր թէ երեք մեծ կայսերութեանց ընդարձակատարը գաւառները բաւական չլինէին, գրեթէ ամեն պետութեանց մի կողմը Հայութեան մի նշխար կը գտնուի մնացած: Ամեն լեզու խօսող հայեր ունինք, մինչեւ խակ իրենցը չխօսողները լեզուն մոռացեր, պատմութիւնը մոռացեր, հայրենիքը մոռացեր, այլ կրօնն են պահպաներ, եւ իջման Տեղւոյն հաւատքովը կատարեալ հայ են: Ուրիշ ի՞նչ կարող եմք գտնել՝ նոցա արտին գրաւիչ, նոցա գոյութեանը ապահովիչ, նոցա միաւորութեանը գործիչ:

Պիտի լռէինք կամակար մեր միակ գագաթնակէտի միացման սկզբունքը կրկնելէն, եթէ երեք լաւագոյն եւ արդիւնաւորագոյն միջոց մը ուրիշէն առաջարկուած տեսնէինք:

Խակ այդ սկզբունքը իրագործելու միակ եղանակ կըգտնեմք մեք, գլխոյն եւ անդամաց յարաբերութիւնները ամրապնդել, արտաքին նշանները բազմացնել, փոփոխակի առնչութեանց առիթները պահպանել եւ վերջապէս զգալի ընել այն միաւորութիւնը որ զմեզ կը կապէ, եւ ի սէր միաւորութեան չխղճել եւ չկասիլ ինչ ինչ զոհաբերութեանց արջեւ ալ: Առաջին ազատուելիքը կեանքն է, եւ կեանքը գոյութիւն է: գոյութեան ձեւերը կենաց զարդերն են միայն:

Այլ թէ ինչպէս:

Ահա նոր եւ ընդարձակ ասպարէզ որոյ սահմանէն ներս մտնելու կը խիթամ արդարեւ: Կը խիթամ ոչ զի համարձակ խօսելէն կը խուսափիմ, այլ զի մասնաւոր խնդիրներու վրայ խօսելու եւ մանր պարագաներու վրայ երկարատեւ պիտի ստիպուիմ, եւ այս անգամ միայն ընդհանուր տեսակէտով խօսելու նպատակ էի հաստատած: ուստի յարգեմ որոշում:

Բայց ոչ առանց յիշատակելու թէ յարաբերութեանց մշակուելուն եւ միաւորութեան զգալի կերպերով ամրապնդուելուն մէջ մենք լոկ վարէն վեր չեմք խօսեր. իբր թէ Հայաստանեայց Եկեղեցւոյ զաւակներ, ուր ուրեք որ լինին, պարտաւորութիւն զգան առ Մայր Աթոռն խանդակաթ ցոյցեր ընելու. այլ եւ վերէն վար, այսինքն է որ Մայր Աթոռը պէտք չէ մոռանայ իւր զաւակները, եթէ եւ սակաւ տասնեակներով տեղ մը խմբուած գտնուին: Բաւական չէ Ըուսական գաւառաց վրայ անմիջական հսկողութեամբը՝ եւ Օսմանեան գաւառաց վրայ Կոստանդնուպոլսոյ Աթոռոյն միջնորդութամբը շատանալ, զի եւ Պարակաստան եւ Հնդկաստան, Ըուլմանիա եւ Բուղարիա, Տրանսիլվանիա եւ Հելլադա, Անգլիա եւ Գաղղիա, Բատաւիա եւ Սինդապուր, յիշեմ եւ Ամերիկան եւ Սիբէրիան, պէտք չէ վրիպին Մայր Աթոռոյ հսկողութեանէն. զի եթէ այն տեղեր այժմէն օրինաւոր հսկողութիւն լինի, յետոյ բազմաթիւ կորուստներ ողբալու տիսուր հարկին ներքեւ չեմք գտնուիր: Բայց այդ կէտին վրայ գուցէ վերադա<sup>®</sup>նամզ .օսիլ:

Միւս այլ կէտ ոչ նուազ նկատողութեան արժանի Մայր Տաճարին եւ Մայր Հայրապետանոցին դիրքն է: Ամեն անձի համար նստած տեղը նկատողութեան արժանի է. եւ մանաւանդ թէ անձն ու տեղը, բնակիչն ու բնակութիւնը մերտ յարաբերութիւն ունին: Մայր Տաճարին կամարները անապահով վիճակի մէջ են, պատերը զարդ ու նկար կորսնցուցած, խոնաւութիւնն յատակին տիրապետած, Վեհարանի սրահները անձուկ, կերպարանքը յոյժ համեմատ, թէպէտ այլ եւս ժողովուրդը ճգնազգեաց կրօնաւորները չըպահանջեր, այլ իմաստազգեաց հովիւներ:

Ով որ զինքն Հայ կզգայ, թէպէտ եւ երբէք էջմիածնայ սեմը տեսած չլինի, տակաւին կը հասկանայ թէ անշուք չկընար լինիլ Առաքելական Աթոռոյ Մայր Տաճարը, հասարակ չկընար լինիլ Լուսաւորչեան Գահակալին հայագումար օժարանը: Ահաւասիկ գեղեիկ ամիթ Հայաստանեայց Եկեղեցւոյ զաւակաց իրենց ջերմ զգացմանց վկայութեան հաւաստի նշաններ ընծայելու: Միթէ<sup>®</sup> չեմք գիտեր որ լումաներու հաւաքմամբ ուկիններու բիւրեր կազմողը հասարակութիւններ ալ կան:

Այլ Մայր Տաճարի ներկայն եւ անհրաժեշտ նորոգութիւնն ալ այնպիսի կէտ մի է, որ կարժէ վրան յատկապէս խօսիլ: